

Fasnacht 2020

Dr Baschi Dürr tuet jetz sy Zuekunft reorganisiere
är well jo nit s'ganz Läbe lang doo z'Basel regiire
in ere Färnsee-Serie, in ainere vo däne viile
könnt är in „Two and a half Men“, denn dr half Men spiile

Ych läb nit ganz Fleischfrey und au nit Läggerlifrey
y läb nit ganz Alkoholfrey und au nit Glutefrey
y läb nit Zuggerefrey und nit Laggdoosefrey
und y läb nit Kaffi-Frey und scho gar nit Chocolat-Frey

Will y emol uff's Drämmli, näme mer mol a uffs Nummere Ains
no hani Päch, denn wägere Demo kunnt denn halt kains
und wägere Baustell kunnt kai 6er und kai 8er no hani's lo blybe
und bi verruggt denn halt wieder heim dä Värs do go schrybe

A propos Drämmli im 10er ganz vorn winggt mr dr Ärscht Born
und im 2er seh'n y s'Miggeli Meyer und im 8er bi dr Düür griesst
mi dr Baschi Dürr
uff dr Linie 1 seh'n'y dr Studer Heinz und im 6er s'Susi Lämmli
fir was bruch ych no s'Facebook y truff jo alli im Drämmli.

Ich habe gern die Roten und ich die Gelben
ich möchte die Orangen und ich nimm dieselben
ich liebe dich, wollen wir heiraten, in der Tüte? Ohjee
Dasch e Usschnitt gsi vonere Kadersitzig bi dr BVB

Sit 60 Joor gitt's jetz dr Bligg, dasch scho lang
350 Joor fyirt s'Waisehuus, dasch au scho lang
tausig Joor alt isch s'Minschter, dasch ewig lang
und 10 Joor z'lang sait dr Stau-Hampe ändlig y gang!

Jetz hänn's bim Waggsfigure-Kabinett au no welle
e Waggsfigur vo dr Greta Thunberg härstelle
no hett ain gsait, Das goht nit, Das sey absurd
Die sey soo klimaerwärmt, ass s'Waggs grad wieder schmelze wurd

S'gitt E-Auti, E-Bike und die E-Trotti sinn jetz dr Kracher
s'gitt sogar E-Fuessgänger, die mit eme Härzschrümmacher
aber ai Erfindig gitt's nonig, die fänd y aber guet
e E-Portmonnai wo sich dr Inhalt wieder ufflade duet

Me sait schyns nimm Maitlibai und au Schänggeli kasch vergässe
e Sutter Begg-Furz, wenigstens darf me se bis jetz no ässe
au Schwebli und dr Schnägg sei frauefindlig, haisst's efang
Jetz muess mi dängg no schämme, wenn y am Sunntig an Frieh-
Schoppe gang

E Feminischtin het grad gsait ych syg Frauefindlig und i spinn
Will mir ass zwai Möps am Bänggle sin

www.bäffzgi.ch

Wottsch au by uns bänggle?

Uff www.vsgbasel.ch erfahrsch meh!

